

鐵

厓

逸

編

註

鐵厓逸編註卷之三

目錄

獨酌謠

勸爾酒

春夜樂

老客婦謠

元夕與婦飲

無憂之樂

上陵者篇

問生靈

四星謠

換槍謠

吳山謠

折逃屋

山鹿篇

鐵城謠

杵歌

石郎詞

石郎謠

佛郎國新貢天馬歌

浴官馬

桃花犬

借南狸

雀勞利

丈人鳥

聽鶯曲

祀蠶姑火龍詞

鐵厓逸編註卷之三

諸暨楊維禎廉夫著 同邑後學樓卜瀾西濱註

陳 楠南望

楊心田菴訂

獨酌謠

我約月槎客去向月宮遊試辨月中物山河之倒影大樹
之闇浮昇妻不死到今幾甲子山夷海突還紀宮中籌吾
聞九州之外更九州君房曼倩不能週豈無湯桀與軒尤
造蠻迭觸尋戈矛久安長治安得萬歲而千秋君不見沙
邱鮑烏江猴白門兎荊州牛錦襦老羯金床小蠕邗溝又

築汪芒邱淚亦不能為之墮心亦胡能生許愁采石袍赤壁舟古人不與今人在古月還為今人留呼酒重登黃鶴樓

容齋隨筆酉陽雜俎天咫篇記月中蟾桂引釋氏書言
須彌山南面有閻扶樹月過樹影入月中或言月中蟾
桂地影也空處水影也坡公鑒空閣詩月中本自明無
心孰為境挂空如水鑑寫此山河影我觀大瀛海巨浸
與天永九州居其間無異蛇盤鏡空水而無質相照但
耿耿妄云桂兔慕俗說皆可屏正用此說史記驕衍以
為儒者所謂中國於天下乃八十一分居其一分耳中
國名曰赤縣神州赤縣神州內自有九州禹之序九州
是也不得為州數中國外如赤縣神州者乃所謂九州
也漢書賈捐之字君房賈誼之曾孫也又東方朔字曼
倩平原厭次人也史記夏本紀黃帝姓公孫名曰軒轅
遂率兵以伐夏桀又五帝本紀黃帝姓公孫名曰軒轅
蚩尤作亂不用帝命於是乃徵師諸侯與蚩尤戰於涿
鹿之野又秦始皇本紀始皇崩於沙邱平薨會暑上輿

車臭乃詔從官令車載一石鮑魚以乳其臭烏江項羽沐猴而冠刎於烏江也後漢書呂布傳布常御良馬曰赤兔能馳城飛壘又布登白門樓兵圍之急乃降
晉書桓溫傳聞劉景升千斤大牛數芻豆十倍於常牛
負重致遠曾不若一羸特魏武入荊州以享軍士綱目
安祿山生日召入禁中貴妃以錦綉為大襦襦裏之使
宮人以綵輿舁之上賜貴妃洗兒金銀錢復厚賜祿山
新唐書董昌傳方士朱思遠築壇祀天詭言天符夜降
碧楮朱文不可識昌曰識言兔上金床我生於卯明年
歲旅其次二月朔之明日皆卯也我以其時當即位水
經注昔吳將伐齊北霸中國自廣陵東南築邗城城下
掘深溝謂之韓江亦曰邗溟溝太平寰宇記孫策自壽
春欲經畧江東揚州刺史劉繇遣將樊能于糜屯橫江
孫策破之於此對江岸之采石往來濟渡處隋將韓擒
虎平陳自采石濟亦此處也陸放翁入蜀記采石一名
牛渚與和州對岸江西比瓜州為狹故隋韓擒虎平陳
及本朝曹彬下江南皆自此渡通鑑孫權以周瑜程普
為左右督將兵與劉備并力逆曹操遇於赤壁接
北瑜等在南岸部將黃蓋曰操軍方運船艦首尾相接
可燒而走也乃以書詐降去北軍二里餘同時發火

烈風猛北軍大壞搃引軍華容道步走今按江漢間言
赤壁者五漢陽漢川黃州嘉魚江夏惟江夏之說合於
史一統志黃鶴樓在武昌府城西黃鶴磯上

勸爾酒

勸爾酒酒不必瓊漿歌爾婦婦不必姬姜舞衣不必綉羅
裳但願百年日飲三萬六千場君不見金頭雞銀尾羊主
人舉按勸客嘗主人新拜羽林郎孟公君卿坐滿堂高談
大辯洪鐘撞美人七十二鳳凰雄啼雌嘯協笙簧願君日
飲懽樂康白日未徂清夜長明朝賜爾鴈一觴金千重玉
千扛不得收拾歸黃腸

楊升菴集古詩青玉案即盤也今以為桌非矣孟光舉
案即舉盤也若桌安事舉乎按周禮玉人案有十二寸

史記高祖過趙趙王自持案進食萬石君對案不食皆指檟禁之類而言不謂几案也漢書游俠傳陳遵字孟公遵者酒每大飲賓客滿堂輒閉門取客車轄投井中又樓護字君卿時王氏賓客滿門各有所厚惟護盡入其門咸得其驩心後漢書梁商傳商薨賜以東園朱壽之器銀鏤黃金腸注以柏木黃心為樽曰黃腸也

其二

聲珊珊還隨金碗到人間道人客散七寮處下與斛律銅龍班道人道機晚已熟瓦礫黃金土珠玉時時藥市出懸壺日日麴生來捧腹古春古春更奇殮花東海蟠桃枝相期結子三千歲醉飲瑤池白玉卮

孔氏志怪漢盧充家西有崔少府墓充與崔女為幽婚生子臨別贈以金枕并詩云何以贈余親金枕可願兒瓦礫黃金土珠玉猶言銖視軒冕塵視珠玉云爾後漢書費長房為市掾有老翁賣藥於市懸一壺於肆頭及

市罷輒跳入壺中長房因往再拜乃與俱入壺中開元
傳信記葉法善有道術一日與朝士會忽一人叩門稱
麴生秀才突入座內言語不凡葉疑其非人潛以飛劍
擊之應手墮地乃一酒榼中有美酒飲之同坐曰麴生
風味不可忘也春酒名也唐人名酒多以春杜子美詩
聞道雲安麴米春韓退之詩且湏勤買拋青春劉夢得
詩鸚鵡杯中若下春白居易天詩注云杭州釀酒麴梨花
時熟蹄為梨花春國史補云酒則有滎陽之土窟春富
平之石凍春劍南之燒春裴
銅傳奇有松醪春皆酒名也
先生有七客者志并詩附錄於后 抱遺老人嘗得斷
劍於洞庭湖綠氏子煉為笛又得古琴於赤城相傳賈
師相故物得胡琴於大陵呂氏得管於杭老官人所云
宋道君內府物又得玉帶硯一古陶甕一硯為文文山
之手澤甕為秦祖龍藏中器也既而闕一室以居六者
老人時燕居其中六者皆以客遇之而又命名焉以
鐵笛形如龍狀而聲如龍吟也故名之曰洞庭鐵龍君
以胡斛聲相近琴又主於律口噤以珠而聲又如貫珠
然故名胡琴曰西域斛律珠以象出於象山而以共齒
為管管又同於筒故名之曰象山管氏筒以古琴有焦

尾材又聲如秋聲故名之曰赤城焦氏秋硯本石而玉
帶文且出文山氏故名之曰文山玉帶石古陶出於瀉
池君之墓也盛酒於中經歲不變而折花其中又能自
葩寔不死故名之曰陶氏太古春書洞庭書西域者紀
異也書文山者尊忠臣也書簡管而不書道君書秋聲
而不書秋聲書太古春而不書滿池君以其所遇非其
主也老人古之廉士今之怪奇人也所以不遇於世又
客六者之間而七焉總而顏客之所曰七客者之寮客
主道人而道人亦以客自目蓋相忘於六客者之間不
主為客客為主也說光陰者謂百代遇客人託一室於
宇宙之內雖主亦客耳人於形骸之外有主客之分是
以物我相形而閒閒之智詹詹之言鋒然而起惟達者
不與物競而與化往來至我忘物物忘我主客何有哉
道人既自志而且歌六客之詩曰有客有客來洞庭
駕岡象今驂奔絲千家含景雙龍精玲瓏七竅羅天星
莫邪出匣鏗有聲一鳴一止三千齡有客有客來西
域龍頭高昂頸雌霓霓腹如巴蜩鳳非翼口有客有客
魄奇聲劈山椎霹靂震道人因之寫胸臆有客有客來
象山渡青海飛龍灣陪道主登玉壇吐星宿呈琅玕有
入爪甲冰雪寒號鬼母驚神肝一聲吹裂虎豹關有

客有客來文山如金如錢堅非頑文山顏不可攀留爾
亦足消群奸靜以安方以直帶蒼玉佩文石文星燦然
守元默有客有客來赤城碧梧風裁光瓏玲音舍太
古文七星直如赤絲清如水洗秋聲鳴秋聲金春玉應
和以平有客有客來瀉池蟠然其腹蠶以癡曾經太
古春風吹至今面肉凝如脂祖龍朽腐不足奇和風白
沽干
年枝

春夜樂

月落蔥海崑崙紅陰山細火銜燭龍東家照夜千枝蠟蛾
眉象口頰螺甲朱唇主面分割烹嘈嘈青絲瀉銀罌蠻奴
把酒掌心行座中俊客忌斷纓雙箏手語鳳皇柱彈得新
聲奉恩主朝惺惺來夢妬婦水遠神仙吹海雨

涼州異物志蔥嶺水分流東西入大海東為河源李
白詩天外飛霜下蔥海山海經西北海之外有章尾山

其神人面蛇身其瞑乃晦其視乃明名曰燭龍楚詞天
問曰安不到燭龍何照簡文帝看燈賦蕪微安息蠟出
龍川杜甫臘日詩翠管銀罌下碧霄史記滑稽傳淳于
髡仰天大笑冠纓索絕又說苑楚莊賜群臣酒日暮燭
滅有引美人之衣者王曰賜人酒使醉失禮奈何顯婦
人之節而辱士乎乃命皆絕其纓然後復舉燭並恭古
樂府手語出朱絃心聲寄丹府注彈琴謂之手語李白
詩佳人當窻弄白日絃將手語彈鳴箏魏文帝詩秦箏
發新聲唐書狄仁傑傳高宗幸汾陽宮為知頻使并州
長史李冲元以道出如女祠盛服過者必致風雨之變
發卒數萬人改馳道仁傑曰天子之行風伯清塵雨師
洒道何避姑女耶許渾詩江雲帶日秋猶熱海雨隨風
夏亦寒蕪載舟行次清遠縣詩江
雲漠漠桂花濕海雨脩脩荔子然

老客婦語

一作婦線

老客婦老客婦行年七十又一九

一作鐵線婦鐵線婦少

年嫁夫甚分明夫死猶存舊箕帚南山阿妹北山姨勸我

子一作再嫁我力辭涉江一作采蓮上山采一作采蓮采

靡一作采蓮可以療飢夜來道一作遇娼一作門首娼一作

閭門蕭一作然驚一作老醜老醜自有能養身一作養身一作有能

萬兩黃金在織手上天織得一作雲錦章繡成願補一作元補一作

舜衣裳舜衣裳為一作妾佩一作古意一作揚清光辨妾

不是邯鄲娼

元詩選注明大祖初即位遣翰林詹同奉幣徵維一作維
禎賦此詩同為作老婦傳史記呂不韋傳不韋取邯鄲
諸姬絕好善舞者與居古樂府相
逢行堂上置樽酒作使邯鄲娼

元夕與婦飲

問夜夜何其睠茲燈火夕月出屋東頭照見琴與冊老婦

紀節序清夜羅酒席左蠻舞裊裊右瓊歌昔昔婦起勸我
酒壽我歲千百仰嚙天上蜍誓作酒中魄勸君飲此酒呼
月為酒客婦言自可聽為之浮大白

老婦曰人言天孫思妃不如月娥守孤不

知昇婦相棄以薛昌若織女相望以久之愈也

樂苑昔昔鹽羽詞曲昔一作析

無憂之樂

君有身外憂烏有胸中樂我憂隔亭障其樂在囊橐取之
不能窮用之不能殫蹶蹶莫能攘王公莫我角乃知楊氏
婦婦言賢比郭吾將樂吾樂豈期相唯喏

殫音覺盡也史記不殫於此蹶盜蹶也蹶莊蹶楚之大盜也韓詩外傳楚莊王聘比郭先生先生曰臣有箕帚

之婦願入計之即謂婦楚欲以我為相何如婦曰結馬
列騎所安不過容膝食前方丈所甘不過一肉子出而
殉楚國之憂可乎
於是遂不應聘

上陵者篇

步出城西關松柏鬱盤盤道逢上陵者手指西陵田借問
葬者誰大將葬衣冠大將非戰死軍中答刺罕健兒咱人
鮓無骨賜桐棺

漢短簫錢歌二十二曲有上陵樂府原題漢章帝元和
三年帝自作詩四篇一曰思齊姚黃二曰六麒麟三曰
竭肅雖四曰陟此與鹿鳴承元氣二曲為宗廟食舉又
以重來上陵二曲合八曲為上陵食舉據此所言則上
陵自是八曲之一名或作於章帝之前亦不可知蓋因
上陵而為之也此蓋借古題以賦所見耳元史燕鐵木
兒傳兩都平加燕鐵木兒以答刺罕之號使其世子
孫襲之伯顏傳詔諭天下用國初故事賜伯顏以答刺

罕之號俾世襲之順帝紀詔賜脫脫答刺罕之號俾世襲之名同啖談上聲食也鮮側馬切查上聲以鹽米釀魚為菹熟而食之也

問生靈

金椎碎銅仙大窑燒石佛天子問生靈生靈消鬼卒天上光明光無屋照突兀願照屋下坎再照坎中骨

後漢書劉焉傳張魯字公旗初祖父陵順帝時客於蜀學道鳴鶴山中造作符書以惑百姓受其道者輒出米五斗故謂之米賊陵傳子衡衡傳於魯魯遂自號君師其來學者初名為鬼卒後號祭酒

四星謠

西星白東星黃南星雁北星狼赤熒不敢怒威靈不敢仰
招拒不敢拒叶光不敢抗况爾羅睺曜白午奸太陽太陽

剝未復光黃道日偃偃太山有巨靈目觀哭扶桑手取甘

泉水為日洗重光明堂亮泰階平叶黃白泡滅雁狼燐七

五經通義天神之大者曰昊天上帝即耀魄寶其佐曰五帝東方青帝威靈仰南方赤帝赤熛怒西方白帝白招拒北方黑帝叶光紀中央黃帝含樞紐吳萊集羅睺火之餘也應劭漢官儀太山東南名曰日觀雞鳴時見日山海經東南海之外甘泉之間有羲和國有女子名羲和為帝俊之妻是生十日常浴日於甘泉郭璞注羲和能生日故曰為羲和之子堯因是立羲和之官以主四時星經明堂三星在太微西南角外天子布政之官也又三台為天階太一躡以上下一曰泰階淮南子人血為燐

槐槍謠

槐槍星夜夜西伴長庚明煌煌火龍東未升槐槍經天掩
陽精李溜青胡不庭陽谷倒戈太行假兵槐槍夜半雨血

齊城金雞喔喔東方明

爾雅彗星為掃槍注彗亦謂之帚言其形彗如掃彗
考要太白一名明星晨出東方為啟明昏見西方為長
庚詩曰東有啟明西有長庚是也蓋太白附日而行日
一出則謂之啟明啟開也日既入則謂之長庚庚續也
助日之明故謂之明星淮南子積陽之氣生火火之氣
精為日唐書藩鎮傳淄青李師古四世祖命劉禹錫詩
有平齊行

吳山謠

中原四日一日東東山草木無金風艮精重起大小嶽此
是趙家天柱峯天柱裂地維缺老檜不遮三箭血

西湖遊覽志天目為杭州諸山之宗翔舞而東結局於
鳳凰山其支山左折遂為吳山宋元通鑑建炎元年閏
門宣贊舍人曹勛以上皇手書至自金時上皇在燕山
謂勛曰我夢四日並出此中原爭立之象不知中原之

民尚肯推戴康王否又李綱罷車駕遂東又建炎三年二月壬戌帝駐蹕杭州雲麓漫鈔政和五年東都築土山於景龍門之側以象餘杭之鳳凰山最高一峯賜名神運昭功封磐固侯亦名鳳凰山後神降有良嶽排空霄之語以在都城之良方故曰良嶽都人且曰萬歲山所謂餘杭之鳳凰山即今臨安府麗正門之正面按山上有天柱宮及錢王郊壇盡處即嘉會門山勢自西北來如龍翔鳳舞掀騰而下至鳳凰山止山分左右翼大內在山之左腋後有山包之第二包即相府第三包即太廟第四包即執政府包盡處為朝天門端誠殿在山之右腋後有山包之第二包即郊壇第三包即易安齋第四包即馬院東南皆大江西為西湖北臨平湖地險且壯實為一都會其兆先見於東都為山之時

折逃屋

折逃屋屋基生秬黍農拔穰黍投礫與鵠五種不敢入土孔謙竿尺到田所

按迷屋謂逃亡之屋折謂折算也聶夷中傷田家詩二月賣新絲五月糶新穀醫得眼前瘡剗却心頭肉我願君王心化作光明燭不照綺羅筵偏照逃亡屋五代史唐孔謙傳謙以聚歛為事制括田竿尺天下皆怨苦之

山鹿篇

山頭鹿距蹠蹠

上聲

目瞠瞠

上聲

田租未了壓鹽租夫死亭官

杓頭杖夫死捉少妻拷妻折髀不能啼妻投河作河婦獄

丁捉白頭母

呂氏春秋晏子曰鹿生於山而命懸於厨今嬰之命有所懸矣髀音科膝骨也

鐵城謠

張司業有築城詞嫌其嘽緩無沉痛迫切之警今

補之

燕土築城城上鐵北風一夜吹作雪君不見銅駝關外鐵
甕堆中填白骨外塗血鬪饑作聲穿鬼穴銅駝崩鐵甕裂
崔鴻北京錄酒泉郡南有銅駝山言鹵犯者必大雨雪
沮渠蒙遜遣工取之得銅數萬斤博雅頭顱謂之鬪饑
張籍築城詞築城處千人萬人齊抱杵重重土堅試行
雖軍吏執鞭催作遲來時一年深磧裏看盡短衣涸無
水力盡不得拋杵聲杵聲未盡人皆死
家家養男當門戶今日作君城下土

杵歌

亟亟城城城亟成小兒齊唱杵歌聲杵歌傳作睢陽曲中
有哭聲能陷城疊疊石石石噉噉立竿作表齊竿旄阿誰
造得雲梯子剗地過城百尺高

石郎詞

石三郎十丈長石印生文章天下太平今適當加印綬石
三郎白髮夫人黃衣裳

按石郎即冢間石人也始皇紀秦置郎中令其官屬有三署郎注中郎外郎散郎徐廣晉紀鄱陽歷陵縣有山臨江岩穿似印時人謂石印已發皓遣使者以太牢致祭石林燕語米芾見立石頗奇遂命取袍笏拜之每呼曰石

石郎謠

南山石郎隱蓬顆將軍遠適南山下彎弓射石石郎怒生
火石郎告將軍猢猻載汝骸蟻穿汝髀家有鬼妻既有鬼馬
不知石郎長年者長年者石馬載郎不稱殤石婦望郎不
稱寡

顆科上聲土塊也達顆謂塊上生達漢書賈山傳後世
曾不得達顆蔽塚而託葬馬杜甫詩鬼妾與鬼馬色悲
充爾娛注謂已殺其主而奪之故謂之鬼妾鬼馬如勾
奴以亡者之妻為鬼妻也又誰是長年者西京雜記陳
縞見張丞相墓前石馬謂為鹿也即以斧掘之斧缺
柯折石馬不傷杜甫詩故物獨石馬石婦望夫石也

佛郎國新貢天馬歌

千金骨五花毛虎脊龍鬚尾蒲梢神如飛龍氣如虎初來
燉煌祁山之遠郊雙鶴迸落獨鶻起直欲追飛鶻疑缺二字天
駟精青海傑羈黃金絡明月未栖天子十二閑孰得人間
貯金埒嗚呼渥洼之產寧徒勞圖形已詔韓與曹伯樂光
寒夜寥寥青鶴一聲箕尾高

戰國策燕昭王使涓人齎千金市千里馬於絕域至而
死市其骨而還杜甫駟馬行五花散作雲滿身謂五色

也李燾馬賦龍顯而鳳膺虎脊而豹章漢書地理志有
 激煌郡又霍去病以驃騎將軍擊匈奴至祁連山天官
 書房為府曰天駟隋書西域吐谷渾有青海至冬冰合
 得波斯馬放入海因生驄馬日行千里李白詩羈金絡
 月照皇都古樂府黃金絡馬頭莊子齊之以月題陸德
 明注月題馬額上當顯如月形者也周禮天子十有二
 閑馬六種晉書王武子好馬買地試馬謂之金埒漢書
 元鼎四年馬生渥洼水中上作天馬之歌杜甫詩渥洼
 驎驎兒尤異是虎脊名畫記曹霸天寶末詔寫御馬又
 韓幹鞍馬初師曹霸後獨自擅元宗好大馬西域大宛
 歲有來獻者命韓幹悉圖其駿陸德明莊子奇義伯樂
 姓孫名陽善馭馬石氏星經云伯樂天星名主典天馬
 故孫陽善馭以為名

浴官馬

君不見達官馬五馬一馬驄花繭一突騎當街折其衝達
 官請下馬墮在泥水中馬前銅帽子什什不能雄又不見

將軍馬天閑八尺龍金甲鎖匣匣玉轡搖瓏璫羽林萬猛
士後距而前鋒望敵未及戰退陷大澤泓野人烹馬食食
馬如食糲小臣泣弓劍八駿起悲風

杜甫詩細看六印帶官字唐六典諸牧監凡在牧之馬
皆印印右膊以小官字元史世祖中統四年設群牧所
又馬之群或千百或三五十左啟烙以官字號大印子
馬杜甫詩使君五馬一馬驄廣韻驄馬青白色周禮馬
八尺以上為龍蔡琰詩金甲耀日光杜甫詩馬頭金匣
匣韻會匣匣周繞貌言金絡馬頭其狀密匣也匣通合
切庵入聲匣作答切咎入聲杜甫詩先帝子劍遠小臣
餘此心又朝享太廟賦弓劍皆鳴汗鑄金之風馬李白
詩軒轅去時有弓劍漢郊祀志黃帝鑄鼎於荆山下鼎
既成有龍垂胡髯下迎帝騎龍上天餘小臣不得上乃
悉持龍髯髯拔子墮乃抱其子與龍髯髯因名其處曰
鼎湖其子曰烏蹄水經注黃帝崩山崩空棺無尸惟劍
帝仙矣列仙傳黃帝葬橋山崩空棺無尸惟劍在
焉按杜詩君不見金粟堆前松柏裏龍媒去盡鳥呼風

結語意
亦如此

桃花犬

諸暨吳義士銓家畜犬犬病踣兼旬不起犬有子
能銜食哺母不離母左右昔聞桃花有鼎湖號弓
之義今爾犬又仁孝若是銓自王大父宗元五世
孝慈犬之仁孝其瑞應也為賦桃花犬歌繼古樂
府

昔桃花孝犬聞天家今桃花生子在吳家桃花子母病踣
不起三子纍纍若悲啼有一子啣食哺母母食之始出馳
一去復一來眠母左右不一離吳老人壽期頤五葉孫斑

爛衣門前荆樹不分枝柱下並蒂生靈芝吳家孝慈及草木况爾桃花為有知喔喔梟獍兒泥塗我宮室蕩裂我四維風俗日壞壞不支歌桃花作家慶吳家兒當執政桃花姓姓化梟獍

宋濂吳府君墓碑府君年八十有八字長卿諱宗元教子母析居有大病足其子卿食哺之犬得不死文人競為歌詩美之紹興府志元順帝至正間諸暨吳銓家犬病蹄子卿食哺之及死埋山下有花開如白鳳仙人呼孝犬又呼桃花犬按吳老人謂宗元銓宗元孫也類纂淳化中羅江貢桃花犬李程作歌漢書郊祀志梟鳥名食母破鏡獸名食父

借南狸

此題亦本唐人苦哉行有曰彼鼠侵我厨縱狸受

梁肉鼠既為君却狸食日須人狸又異於是矣

北狸不捕鼠為鼠欺鼠作妖句人立豕啼媪責狸不職借

南狸假虎威鼠未捕翻我屋上瓦倒我厨中盆與罌叶食

飽求媪雌雄匹之咋死媪狸與鼠同嬉嗚呼媪小不忍大

禍遺

狸同狸類纂莊子謂猫為狸黃庭堅謝送猫詩養得狸奴立戰功又乞猫詩聞道狸奴將教子狸奴猫也左傳齊侯田於貝邱見大豕從者曰公子彭生也公怒射之豕人立而啼史記江乙謂楚王曰狐假虎威

雀勞利

雨雪霏霏積堊與圻百鳥取食不見穀與糜雀勞利嘴長

一尺錐斷冰破雪下及泥嗟爾短嘴空受饑

沈約崔勞利歌雨雪霏霏
崔勞利長嘴飽滿短嘴饑

夫人鳥

夫人鳥飛入丈人廬
聒聒鳴坐隅
國人恠爾鳥告凶不告
喜丈人愛爾鳥獻忠
不獻諛命爾曰忠鳥爾噪介推屋介
推不受祿爾噪慕容城慕容危受兵
維北有鶚嘴不啄惡
維南有豸角不觸罪永言忠鳥誓死直弗諛展矣
夫人克剛克仁惟剛惟仁下有直臣惟直臣是
客人莫不穀我又曷凶君子作詩惟以告忠

杜甫詩丈人屋上鳥人好鳥亦好劉向說苑太史謂武
王曰愛其人兼屋上之鳥孔叢子愛屋及鳥市文類聚
昔時聞鵲聲者則喜以為報吉聞鴉聲則咷而逐之此
雖俗事然亦屢有驗者拾遺記晉文公燒山求子推子

惟抱樹有一白鳥從烟蔽之
推死文公為之斷火一月

聽鶯曲

紫騮踏花雲滿足南陌東阡日馳逐不如幽谷黃衣郎好
音綿蠻出深木鄰家女兒愁別離楊花却傍珠簾飛樓前
關山人未歸奈何奈何啼黃鸝

開元遺事明皇於禁苑中見黃鸝呼為金衣公子又呼
為紅樹歌童詩出自幽谷遷于喬木又睨睨黃鳥載好
其音又綿蠻黃
鳥止于邱隅

祠蠶姑火龍詞

余嘗論蠶有六德衣被天下生靈仁也食其食死
其死以答主恩義也身不辭湯火之厄忠也必三

眠三起而熟信也象物以成蘭色必尚黃素智也
繭而蛹蛹而蛾蛾復卵而繭神也此六德也人靈
為保蟲之長食君之食衣君之衣乃有腹生靈之
膏賣君父之國卒不得其死者其不愧火龍乎因
賦火龍詞四章補樂府之缺

火之龍兮雲弗從雨弗降叶三眠始三眠終

蠶書蠶為龍精日值大火則浴其種李白詩吳地桑葉
綠三眠蠶正熟辛癸雜志蠶足於葉三俯三起二十七
日而蠶老

其二

火之龍兮桑以穀絲以腹繭以屋象水火兮以金以玉

荀卿蠶賦三俯三起食桑而吐絲王
建蠶簇詞蠶欲老箔頭作繭絲暗結

其三

火之龍今蛹以蛾蛾以卵卵復化叶龍之神今實多惟龍

之神今有大功於人又殺身以成仁狗道而忠益信

博物志蛹者蠶之所化蛾者蛹之所
化古今注蠶為繭繭生蛾蛾生卵

其四

火之龍今其節甚高彼縻爵者誰兮生寵死則逃剥民之
膏粥人之國而死與叛鬼曹火龍德德可褒

樓 淮青浦校

鐵厓逸編註卷之四

目錄

鳳凰石

遊虎邱

泊山塘橋

泛震澤

蓮花埭歌

海塘

洞天謠

素雲引

秋霜帕

大樹歌

藏書樓

湖光山色樓

芝雲堂分韻

六客亭分題

孤憤一章

和楊孟載

紅酒歌

華陽巾歌

紅牙管歌

輦婆引

玉蓮曲

畹蘭詞

蹋鞠歌

鐵崖逸編註卷之四

諸暨楊維禎庶夫著 同邑後學樓卜瀍西濱註

李廷槐天植

陳宗器紹先 訂

鳳凰石

至正辛丑花朝前三日余偕華藏月亭登玉峯頂
坐鳳凰石月亭索賦詩為課十有四韻

大瀛浴火烏滅沒失倒景玉龍挾之飛脫落疊浪頂根從
太始并勢與華嵩並琅實既克脰玉距猶在礦馬爭灩澦
堆龜讓天梯餅神人不敢鞭怒啄欲成瘿遷輕岐陽鼓扛

重鳥獲鼎坐寒彭蠡磯沈怯景陽井裘突月支頭劍磨嚴
顏頸秦女寧受跨晉士豈容醒仄歷五十劫金鎖八千頃
未知金帶恩遠却白羽影會當鳴朝陽即都有奇警巨手
一拍飛欽師許誰請

史記中國外如赤縣神州者九乃有大瀛海環其外淮
南子曰中有跂鳥又爰息六螭注六螭即六龍也日乘
車駕以六龍又南方有鳥名為鳳凰天為生實其樹名璚
枝以璚琳琅玕為寶論摘表聖鳳距銳鉤荆州記灋潁
如馬瞿塘莫下灋潁如象瞿塘莫上星經天龜五星南
漢中李白蜀道難地崩山摧壯士死然後天梯石棧相
鉤連三齊秦道始皇作石橋於海上欲過海者日出處
有神人驅石去不速神人鞭之皆流血今石橋皆赤色
也韓愈聞雞喚句怒癭爭礮磊歐陽修集古錄石鼓文
在岐陽今在鳳翔縣孔子廟帝王世說秦武王好多力
之士烏獲之徒皆歸焉秦王於洛陽舉周鼎烏獲兩目
血出圖經昔有星墜水化為石當彭蠡湖中俗呼為落

星灣網目質實景陽疑在應天府上元縣治東北五里
臺城內井即景陽井漢書匈奴破月氏王以其頭為飲
器蜀志劉璋使嚴顏守巴郡為張飛所擒顏曰有斷頭
將軍無降將軍飛怒命斬之顏色不變曰斫頭便斫何
怒耶飛壯而釋之列仙傳王吹簫作鳳聲一日隨鳳
飛去顏延之五君詠攀嵇亦鳳舉論摘表聖鳳飛鳴曰
都即

遊虎邱與句曲張貞居遂昌鄭明德毘陵倪元鎮各

追和東坡留題石壁詩韻

漾舟海湧西坡陲綠素嶺陟彼闔閭邱俯瞰千尺井至今
井中龍上應星耿耿居然辟歷飛殘腥洗蛙黷已知湛盧
精古憤裂幽礦肯隨魚腸逆寒鋒助殘猛後來入郢功勇
志亦馳騁丹臺納嫵媚金鉗碎骨鯁坐令金精氣龍虎散

俄頃花凝鐵壁堅木根去聲山骨冷何哉幽獨魂白日歌夜

永我從陶朱來青山異風景豈無西家兒池頭弄風影五

湖尚浮桴烟波不須請

輟耕錄道士張伯雨號句曲外史又號貞居西湖竹枝
集鄭元祐字明德遂昌人倪瓚字元鎮昆陵人吳地記
虎邱山原名海湧山越絕書闔閭冢在閶門外吳春秋盤
郢魚腸之劍吳三曰白虎居上號曰虎邱吳越春秋闔
閭墓於國西北海湧山列以專諸魚腸三尺之劍吳三
日金精上浮化為白虎蹲其上故曰虎邱又越王允常
示之魚腸薛燭曰倒本從末逆理之劍也示之湛盧薛
燭曰善哉銜金鐵之英吐銀錫之精可以折衝伐敵人
君有逆謀則去之他國允常以湛盧獻吳吳公子光弒
吳王僚湛盧去如楚左傳二師陳於柏舉楚師亂吳師
大敗之五戰及郢納嬖嬖謂西子碎
骨鯁謂子胥五湖浮桴謂范蠡也

二月十二日玉山人買百花船泊山塘橋下呼瓊花

翠屏二姬招余與張渥叔厚于立彥成游虎阜俄而雪霰交作未果此行先以此詩寫寄就要諸公

各和

百華樓船高八柱主人春游約春渚山塘橋下風兼雨正值灌壇西海婦桃花街口小蠻娘腰身楊柳隨風揚翡翠屏深未肯出蹋歌直待踏春陽喜聞晴語聲谷谷明朝豫作花游曲小蠻約伴合吹笙解調江南有子鵲

西湖竹枝集張渥字叔厚淮南人于立字彥成號虛白子南康之廬山人茹昂重漸虎邱志山塘舊多積水少傳白公築之民始免病涉之勞又名白公堤博物志太公為灌壇令武王夢婦人當道夜哭問之曰吾是東海神女嫁於西海神童今灌壇令當道廢我行我必有風雨而太公有德吾不敢以暴風雨過是毀君德武

王明日召太公三日三夜果有疾風暴雨從太公邑外
過李賀有花游曲序寒食日諸王妓游賀入座因採梁
簡文詩調賦花游曲與妓彈唱文獻
通考唐于鵠與張籍同時未詳何人

乙酉四月二日與蔣桂軒伯仲諸友同泛震澤大小

雷望洞庭之峯吹笛飲酒乘月而歸蓋不異老杜

坡仙游漢陂赤壁也舟中各賦詩余賦二十韻為

首唱

江國春歸夏云孟十日五日風雨橫具區擺闔浪如山吳
兒善泅并敢榜今朝氣候昨不同湖頭無雨煎無風小施
祠前棹歌發樓船下水如游龍大雷不動小雷伏銀海空
青光奪目魚龍百恠暫被除平展輕綃三百幅牙樯五兩

空中舉陳瀆村中遇槌鼓燒筍既憇彭城灣采蓴復渡楊
家浦中流颶發占莫搖須臾鯨浪吼蒲牢長年捩柁稱好
手小腰失箸生寒毛蔣家二仲素奇士更有登高年叔子
老崖鐵笛上青雲玉龍穿空卷秋水船頭可奈風水何拔
劍擬斫生蛟鼉人生哀樂固相半神靈涉意毋過多鷗夷
入海人不識漁媪漁王配寒食鄉里小兒舞竹枝乞與神
童舞銅狄我聞洞庭之峯其橘大如斗剖而食之見奕叟
弱水不隔天表流獨我胡為牛馬走五湖挂席從此首

西湖竹枝集蔣克勤字德敏湖州長興人東湖書院其
家之義塾也杜甫詩有漢陂行長安志漢陂在鄠縣西
五里東坡有赤壁賦揚州記太湖一名震澤周禮東南
曰揚州其澤數曰具區說文泗浮行水上也史記吳兒

善泗韻府榜進船也晉張載傳吳榜越船嘉興府志施
府君廟一在縣西南六里一在縣北十五里府君名伯
成九歲為神建立廟宇明初封護國鎮海侯水經注太
湖有大雷小雷三山亦謂之三山湖又謂之洞庭湖兵
書五兩侯風法以難羽重八兩建五文旗取羽繫其巔
立軍容中白居易詩觀魚傍湓浦看竹入楊家自注浦
西有楊侍郎宅多好竹南越志颶風具四方之風也張
蕭詩大鯨吹浪鼓颶風蒲牢見卷二毘陵行杜甫詩長
年三老遙憐汝換於開頭搜有科二仲謂求仲羊仲也
十道志羊祐常與從事鄒湛登岷山垂泣曰自有字宙
便有此山由來質達登此山者多矣皆湮沒無聞念此
使人悲傷我百年後魂魄猶當登此山也搜神記薊子
訓與一老公摩娑銅狄人曰適見鑄此已近五百歲陸
游詩摩娑銅狄瀾城秋搜神記巴郡人家橘園有二百
橘如三斗盎剖開每橘有二象戲司馬遷書太史公牛馬走

蓮花埧歌

棟花風殘啼鴉

子一作規

舌蓮花埧上春三月埧上女郎齊踏

歌輕衫白苧飄香雪青山深鎖薊家村使君艇子恰一作泊

當門門前滿樹櫻桃子手摘櫻桃招使君使君本是龍門

客身脫宮袍岸鳥幘何處江南最有情新買蓮花垞上宅

垞在太湖之西薊氏村垞
或作阡山川峭絕處音斗

海塘

天吳蜚精衛啼娥江之北蛟門之西大禹東來朝會稽九

河一疏錫元圭

二字缺

三千歲桑田幾滄海泮水日橫流我

思訴真宰相門子葉大夫蒞政三月初海如瓠子決灇瀕

楚紅濤黑浪爭吞屠元光白馬有祭壁羽山黃熊無玉書

蛟眼赤射日蜚民不寧居葉大夫海砥柱驅鬼鞭運神斧

五丁一力萬夫一語新甫取柏崑山取石金椎築土手鎖
陽侯之咽脚踏支析之股玉繩永奠三萬六千尺陳公堤
白公渠無足數石人夜語魯以仙河伯血面上訴天葉大
夫回狂瀾障百川海不波石不穿河清海宴三千年

木華海賦天吳乍見而鬚鬚山海經朝陽之谷有神曰
天吳是為水伯虎身人面八首八足八尾背青黃色又
發鳩之山有鳥焉名曰精衛是炎帝之少女名曰女娃
遊於東海溺而不返故常銜西山木石以湮東海名勝
志曹娥江發自剡溪來東折而北至曹娥廟前名曹娥
江又蛟門山在鎮海東海中約十五里一名嘉門山環
鎮海口吐納潮汐有蛟龍穴處時興颶風怪浪古稱蛟
門虎蹲天設之險即此史記禹會江南計功名曰會稽
會稽者會計也吳越春秋禹錫元圭杜甫詩真宰乃大
計更名茅山曰會稽山書禹錫元圭杜甫詩真宰乃大
天應泣老子有真宰以制萬物史記河渠書河決瓠子
天子自臨決河乃作歌曰瓠子決兮將奈何皓皓兮

今閭殫為河寰宇記灕潁堆在夔州之西蜀江中心夏
水漲半沒冬水淺出二十餘犬神異經西海上有人焉
乘白馬未鬣白衣元冠從十二童子馳馬西海上如飛
名曰河伯使者左傳昔堯殛鯀于羽山其神化為黃熊
以入于羽淵實為夏郊三代祀之蜚徒亶切壇上聲南
海夷種陸次雲尚谿織志蜚人以舟為宅瀕海而居其
人目若青碧水經注澹臺子羽齋千金之璧渡河河伯
欲之至陽侯波起兩蛟挾舟子羽曰吾可以義求不可
以威劫捧劍斬蛟蛟死波休乃投璧於河岳瀆經禹治
水獲無支析形如獼猴力踰九象命庚辰制之鎖於龜
山之足淮水乃安漢書溝洫志趙中大夫白公奏穿渠
引涇水首起谷口尾入櫟陽注渭中袤二百里溉田四
千五百餘頃名曰白渠民歌之曰田於何所池陽谷口
鄭國在前白渠起後舉市為雲決渠為雨涇水一石其
泥數斗且溉且糞長我禾黍衣食京師億萬之口言此
兩渠饒也名臣言行錄河決滑州陳堯佐作堤以殺水
勢又為長隄以護其外滑人曰不可使後人忘我公號
為陳公堤抱朴子馮夷以八月上庚日渡河溺死天帝
署為河伯

洞天謠

四明山二百八十青潺湲天空四牖金鴉玉蜍兩出沒是
為三十六洞之九別有丹山赤水非人間我夢仙人賀狂
客云訪雲翹子孤峯頂上登大蘭下見洪濤袞日車軸大
龍光蜃景雜還翻瀾漫上有桃花美人者殺龜腦脯麟肝
令我食之生羽翰路逢茅先生一笑今與古赤玉之舄墮
地化為石我一叱之力厭虎潮飛大士洞水門風析祖龍
橋石柱赤玉之舄何足追下窮地脉上天維鐵船徑度弱
水羽火劍欲斫扶桑樹茅先生茅仙後千春曾醉廬山酒
酒醒騎虎却入終南山笑呼彩鸞下招手石田王子大如

斗

名山洞天福地記四明山周圍一百八十里名丹山赤水之天在明州寧波府志四明山發自天台吃峙於郡治之坤隅上有二百八十峯綿亘明越台三州之境為三十六洞天之一丹山洞天圖咏集木元虛云天下洞天三三有六四明第九其號曰丹山赤水是也按山周三百八十里常有雲氣覆冒於中凡二十里不絕名曰過雲南曰雲南曰雲北隴行三十里有峯曰雲根石屋有瀑布如懸河北曰雲北隴行三十里有峯曰雲根石官同妻樊雲翹居洞側得仙術上昇後人立祠奉祀有榭曰樊榭唐書賀知章字季真性曠夷晚尤誕放自號四明狂客又賀知章天寶初病夢遊帝居數日寤乃請為道士還鄉里詔許之施宿會稽志大蘭山在餘姚縣南八十里相傳漢劉綱夫婦於此仙去延祐四明志桃花坑山在四明山之上二十里雲之南也岩壁立數仞延袤數百里岩色紅白相間狀如桃花之初發故名神仙傳魯女生絕穀八十餘年日少壯色如桃花抱朴子安期生賣藥海邊始皇異之賜以金璧安期生去而置之於阜鄉亭以赤玉舄為報留書曰後千歲求我於蓬

萊山三齊記秦始皇造石橋入海歌過海觀日出處有神人為之驅石類林吳彩鸞猛之女一日遇書生文蕭於道竟許成婚蕭貧不自給鸞寫唐韵日得一部獲金五緡盡則復寫如是十年各跨一虎陟峯巒而去

素雲引為元霜公子賦

元霜璜溪呂氏月臺名也

清河美人姑射神夢中認得梨花雲朝朝暮暮不肯雨璫
枝玉葉光輪困艷妝不染胭脂水輕歌欲遏鸞笙起五花
細馬馱春風羅帶飄飄白鵬尾柔情易逐綠雲空半掩一作
卷春一作青衣嘶玉龍九點峯前指歸路家住松陵東復東
桃葉桃根春已暮又逐飛花度江去梨園昨夜春雨多回
首孤飛在何處何處孤飛去復來直是元霜百尺臺

真語真人行則扶華晨蓋乘三素之雲修真入道秘言
以立春日清明比望有紫綠白雲為三元君三素飛雲

也西陽雜俎長白山有夫人墓魏清河崔羅什彼徵見
朱門甲第青衣出見什曰女郎即湏見什下馬入門青衣
引前曰女郎乃劉府中之妻侍中吳質之女什前就牀
坐其女東戶立與叙寒溫言訖辭出什留簪女以指環
贈行數步回視乃一大冢也莊子藐姑射之山有神人
居焉王建夢看梨花雲歌薄薄落落路不分夢中喚作
梨花雲史記黃帝與蚩尤戰於涿鹿之野常有五色雲
氣金枝玉葉止於帝上又郁郁紛紛蕭索鞦韆是謂慶
雲李白詩兩兩白玉童凌吹紫鸞笙元影忽不見迴風
送去聲又吳姬十五細馬馱李賀詩遙望齊州九點烟
又家住錢塘東復東古今樂錄晉王獻之愛妾名桃葉
妹曰桃根獻之嘗臨渡作歌以送之曰桃葉復桃葉渡
江不用楫但渡無所苦我自來迎接又曰桃葉復桃葉
桃葉連桃根列仙傳裴航遇雲翘夫人與詩云一飲瓊
漿百感生元霜搖盡見雲英藍橋
自是神仙窟何必區區上玉京

秋霜帕

烏絲欄裏雙鴛鴦紅啼碧唾薰餘香天孫織就元錦裳莫

將風雨妬蘭娘

鹿情集賈知微遇曾城夫人杜蘭香以秋雲羅帕裹丹
五十粒與生曰此羅是織女玉蘭織成後大雷雨失帕
所在唐蔣防霍小玉傳李生名益自矜風調小玉出越
州姬烏絲欄素段三尺授李生生援筆成章墉城仙錄
杜蘭香降洞庭包山張碩家授以舉形飛化之道碩亦
得仙初降時留玉簡玉唾孟紅大浣布以為登真之信
焉考要織女亦名天孫燕東坡詩天孫為織雲錦裳杜
蘭香別傳杜蘭香降張碩家碩妻無子娶妾妻如不已
碩謂香如此云何香曰此易治耳言畢而妻患創委頓
碩曰妻將死如何曰此創所以治如創已亦當瘡數日
之間創愈而妻無
妬心遂生數子

大樹歌為馮困如賦

東柯溪頭三大樹水深土厚崖石牢一株石茶桀冬蔞紅
若火鏡鎔冰濤兩株老檜挺霜幹青如連弁翹雙鰲不知

人間富貴植青紫草亡木卒紛如毛漢家根株歷千歲當

時大將誇人豪只今子孫仗大義昧死尚薄巾車勞三槐

風雲慶有待

缺一字

荆湯火死已逃金鴉倒立海底景白鳳

夜燄風中膏螭柯骨露黑石虎奇幹手接蒼山猱惡氛西

起白日翳恍惚大將排旌旄東柯東柯濟時具豈無兵家

文武韜摩挲大樹日酣卧不肯即偽從韃靼始知后皇受

命乞獨正神明扶植冰霜榛我來飲我中山醪脫巾挂樹

三花高大槐太守夢楚國大梅美人臨漢皋大櫨老雄倚

我酒長筇亦即金絲槽醉歌寫入嘉樹傳竊比橘頌騷人

騷

漢書馮異傳諸將並坐論功異常獨屏樹下軍中號大
樹將軍言行錄王祐手植三槐於庭曰吾子孫必有為
三公者已而果然東坡有三槐堂銘韓愈詩金鵝既騰
蕭大合俄清新禽經白鳳謂之鸛洞冥記帝常得丹豹
之髓白鳳之膏磨青錫為屑以蘓油和之煎於神壇夜
暴雨光不滅異聞錄淳于芬飲槐下醉卧夢二使曰槐
安國奉邀入穴中曰大槐安國王曰南柯郡不理屈卿
為守累日達郡寤尋槐下穴可容一榻有二大蟻乃王
也穴直南枝即南柯郡大梅美人見卷七和呂希顏大
樹缺杜甫詩更尋嘉樹傳左傳季有嘉樹宣子譽之武
曰宿敢不封殖此樹楚詞
橘頌后皇嘉植橘徠服兮

藏書樓

戴顓溪上藏吾舟三十六曲鐫鳴球濯足太白雙龍湫名
山要湏瞻沃洲沃洲之陽溪上游著此一所張家樓簾捲
爽氣天姥曉倚闌秀色蓮花秋張家之樓無百尺夜夜虹

光射東壁中藏異書三十乘太史東來殊未識城中瓊樓
高五城吳歛楚舞填峻嶒一錢不直兔園冊一丁不識黃
金籬樓中主人計誠左遺安遺危各在我韋門奕葉有光
價郿塢何人徒賈禍樓頭校書腹便便眼中松楸手遺編
前年燎黃光九原書中始識兒孫賢却問瓊樓金玉貯還
有美人化黃土君不見魏家高樓何足數誰復西陵護歌
舞

紹興府志藏書樓在嵎縣西三十里東湖山元虞士張
煥建張煥嵎人自以家世宋臣絕意仕進作休休吟以
見志自號莘疇居士太平寰宇記剡溪即王子猷雪夜
訪戴逵之所亦名戴溪會稽志剡山北有戴顯墓宋書
戴顯傳字仲若譙郡鉅人父逵兄勃並隱遁有故名故
世居剡下名勝志太白山在嵎縣西七十里絕高者為

太白次為小白面東者為西白面西者為東白在東陽
者為北白刻錄云峻極崔巍吐雲納景趙廣信昇仙處
也石筍對立如闕瀑泉飛下施宿會稽志沃洲山在新
昌縣東三十二里晉帛道猷於法深支遁皆居之戴許
王謝十八人與之遊號為勝會山有養馬坡放鶴峯皆
因支遁得名洞天福地記第十二福地沃洲山在剡縣
南太平寰宇記天姥在越州剡縣南八十里張說詩東
壁圖書府史記自序上會稽探禹穴楚詞招魂吳歆蔡
謳奏大呂典史記魏其侯列傳生平毀程不識不直一
錢按漢書梁孝王有園名兔園孝王卒景帝以其園與
民耕種置官籍租稅供祭祀其簿籍皆埋語故田夫牧
子所誦曰兔園冊訊其詞鄙也唐張宏靖曰爾肯挽兩
石弓不如識一丁字後漢書逸民傳龐公者南郡襄陽
人也荊州刺史劉表數延請不能屈釋耕於壟上而妻
子耘於前表扣而問曰先生苦若猷猷而不肯官祿後
世何以遺子孫乎龐公曰先生苦若猷猷而不肯官祿後
以安雖所遺不同未為無所遺也漢書韋賢與通禮尚
書以詩教授號稱鄒魯大儒七十餘為相少子元成復
以明經歷位至丞相鄒魯諺曰遺子黃金滿籬不如一
經後漢書董卓傳卓築塢於鄆號萬歲塢積穀為三年

儲自云事成雄據天下不成守此足以辱老後漢書文苑傳邊韶字孝先曾晝日假寐弟子私嘲之曰邊孝先腹便便懶讀書但欲眠韶潛聞之應時對曰邊為姓孝為字腹便便五經笥但欲眠思經事寐與周公通夢靜與孔子同意師而可嘲出何典記魏家高樓謂銅雀臺也

湖光山色樓

仙家十二樓俯瞰芙蓉渚象田耕玉烟龍氣生珠雨鳳麟
遠水接空濛小瀛夜折蓬萊股蘭臺美人能楚語十三雁
急孤鸞舞仙人醉騎黃鶴來酣揮落日使倒迴剪取瑤田
一稜歸滿天鐵笛走春雷

按十洲記水經注俱言崑崙天墉城有金臺五所王樓
十二郊祀志亦言五城十二樓仙家所居也李商隱詩
滄海月明珠有淚藍田日暖玉生烟張子野咏箏雁柱
十三絃抱朴子鸞鳥聞樂則蹈節而舞湖廣通志黃鶴

樓世傳仙人乘黃鶴過此因名淮南子魯陽公與韓戰戰酣日暮援戈而揮之日為之反三舍十洲記祖洲有不死之草生瑤田或名養神芝其葉似蒜苗叢生一株可活一人

芝雲堂分韻得對字

窮冬積繁陰快雨不破塊問途玉山下繫船桃花匯主人
聞客來把酒欣相徠窈窕雙歌聲嬋娟兩眉黛談笑方云
云妍媸各成態憶昔獻策時目炯重瞳對下馬宴瑤林宮
花出西內俯仰三十年同袍幾人在明當理舟行天遠征
鴻背那能事煩劇曉出星猶戴行當謝冠冕歸荷一作山
陽來

韓詩外傳子賤在單父身不下堂鳴琴而治既巫馬期亦宰單父以星出以星入日夜不處以身親之而單父

亦

六客亭分題送趙季文知事湖州

秋水城下碧秋山城上青水晶出宮闕雲氣列車輶風流
五馬貴六客聯華星美酒來東林朱果取洞庭奇畫掃寒
蕩妍辭約浮萍焉知後不繼高堂葺殘局送子河風道賓
鴻集修翎官奴重秉燭泚筆懷蘓亭

元詩選注六客亭在湖州郡圃中張子野為前六客詞
東坡為後六客詞李公擇為郡時有張子野劉孝叔楊
元素東坡陳君舉會於碧瀾堂子野作六客詞張子野
守郡有東坡曹子方劉景文蘇伯固張東道會於此東
坡繼前作
六客詞

孤憤一章和夢菴韻

楊子哭停雲歷數死生友首哭台州師再哭江州守三哭
天水頭四哭淮渦口五哭六哭餘英風復何有確山截罵
舌宛湖沈斫首嗟嗟狗國臣培養百年久猛去晉終背或
死魏何咎而况鳴吠才蠢蠢小雞狗弋鴻羽既怯釣魚餌
滋誘根撥那望實蒂分尚懷藕珠雀既失彈火鼠重被垢
長包中土心相詫模稜手外壺宜倒戈中薄肯敝笥祝宗
祈未死循牆駭還走長梯未上書窮辭空還酒驚見夢菴
詩一首洒百醜大義揭日月孤忠縣眈眈亂厭出下泉虎
極還易缺懷君郭泰交夜拌飮春韭和君孤憤章澆致酒
一斗

陶淵明傳雲詩序傳雲思親友也宋元通鑑至正十二年
耕錄江州路總管李黼字子威汝寧人泰定丁卯狀元
至正壬辰二月十一日紅巾寇至城隔被執脅以刃不
肯降口罵不絕聲遂殺之又江浙行省參知政事樊執
敬字時中鄆人是年秋七月月初十日紅巾自徽犯杭入
北關門省吏引去公獨躍馬逆戰以死死猶嚼齒罵不
絕聲死之所則天水橋也錢塘志樊執敬字時中獨航
其號世為鄆人至正間為浙江參政徐壽輝自徽犯浙
西公以孤兵逆賊於天水橋戰死其妻與子溺於西湖
杭人立祠祭焉楊鐵厓為文紀之又嘗見公詩於霏雪
錄中詩云烟波閨閨海門開平地潛生萬壑雷大信不
虧人不死浙江亭上看潮來其平生之志可見矣宋元
通鑑至正十三年張士誠稱誠王國號大周建元天祐
已而有詔赦之使至不得入賊給言請李知府來乃受
命淮南行省強李齊往至則下齊於獄齊雖辨說百端
而士誠怒使曳倒槌碎其膝而高之時論大科三魁若
屈士誠怒使曳倒槌碎其膝而高之時論大科三魁若
李黼泰不華及齊時不負所學云又至正十六年淮安
城破元江東廉訪使褚不華死之精忠人比之張巡云

輟耕錄西臺監察御史張公謝職居確山縣而陷賊脇
之受偽官公唾罵之遂縛公妻奴九人每殺一人則諭
曰御史若降餘可免公弗為動罵如初賊怒拽下坐殺
之此在至正辛卯秋八月間公諱桓字彥威宋元通鑑
至正十二年江西行省平章政事星吉擊趙普騰戰於
湖口兵敗死之晉書王猛傳猛疾篤堅親臨問以後事
猛曰晉雖僻陋吳越乃正朔相承臣沒之後願勿以晉
為國通鑑壬午秦王堅謀大舉入寇平陽公融曰王景
畧一時英雄獨不記其臨沒之言乎堅不聽後漢書荀
彧傳彧病留壽春孫資饋之食發視之乃空器也於時飲
藥而卒左傳晉范文子使其祝宗祈死又正考父鼎銘
循牆而走亦莫余敢侮後漢書郭泰字林宗始見河南
尹李膺膺大奇之遂相友善

紅酒歌

謝同年智同知作

楊子渴如馬文園宰官特賜桃花源
桃花源頭釀春酒滴
滴真珠紅欲然左官忽落東海邊
渴心鹽井生炎烟相呼

西子湖上船
蓮花博士飲中仙
如銀酒色未一作不為貴令

入長憶桃花泉
膠州判官玉牒賢
憶昔同醉瑤林筵
別來

南北不通問
夜夢玉樹春風前
朝來五馬過陋廛
贈以同

袍一作我五彩彩一作線副以五鳳樓
頭牋何以澆我磊落

抑塞之感慨
桃花美酒斗十千
垂虹橋下水拍天
虹光散

作真珠涎
吳娃鬪色櫻在口
不放白雪盈人顛
我有文園

渴苦無曲奏
夔夔絃預恐沙頭雙
玉盡力醉未與長瓶眠

徑當垂虹去
鯨量吸一作此百川我歌君扣舷
一斗不惜

詩百篇

漢書司馬相如傳相如常有消渴病又相如拜為孝文
園令周昌傳吾極知其左遷注云是時尊右而卑左故

謂貶秩位為左遷按先生本傳以天台尹改錢清場鹽
司令所謂左官忽落東海邊也杜甫鹽井詩鹵中草木
白青者官鹽煙陸游劍南集九月十四日夜雞初鳴夢
一故人相語曰我為蓮華博士蓋鏡湖新置官也我且
去矣君能暫為之乎月得酒千壺亦不惡也既覺惘然
作絕句記之白首歸修汗簡書每因囊粟戲侏儒不知
月給千壺酒得似蓮花博士無杜甫飲中八仙歌皎如
玉樹臨風前短歌行我能拔爾抑塞磊落之奇才吳地
記吳長二縣古坊六十虹橋三百有餘幽怪錄明皇謂
葉法師曰四方元夕何處極麗曰無繡廣陵俄而虹橋
起於殿前帝步而上俄頃到廣陵皆仰望仙人見五色
雲中急就篇注瑩長頸瓶也蘓軾長瓶分未到小硯乾
欲裂陸游詩更喜友生能餉酒欣然一醉
倒長瓶飲中八仙歌飲如長鯨吸百川

用韻復雲松老人華陽巾歌

君不見獬豸不識字高柱削鐵堅白簡孰辨賢不賢又不
見鷄鶡偏尚武高屋壓虎肩五兵不理長酣眠鐵崖老狂

者強項如董宣小巾製子夏正要江東傳人間緋紫揜已
蛻風中蟬脫巾漉酒東籬邊吳淞老褐來賀我倒冠共醉
春風前我歌此歌君拍手東壺西閣開洞天洞天之鶴為
我雙回旋

綱目侯思止素詭譎無賴求為御史太后曰卿不識字
劉曰獬豸何嘗識字但能觸邪耳漢官儀侍御史周官
也為柱下史冠法冠一名柱後以鐵為柱白簡見卷二
鐵骨搭漢書佞幸傳孝惠時郎侍中皆冠鵠鵠酷吏傳
董宣為洛陽令湖陽公主蒼頭白日殺人因匿主家吏
不能得及主出行以奴騎乘宣於夏門亭候之駐車叩
馬以刀畫地大言教主之失叱奴下車因格殺之主即
還官訴帝帝大怒召宣欲箠殺之宣曰陛下聖德中興
而繼奴殺人何以理天下臣不湏箠請自殺即以頭擊
楹流血被面帝令小黃門持之使宣叩頭謝宣不從強
使頓之宣兩手據地終不肯俯因勅強項令出賜錢三
十萬滿書杜欽傳欽字子夏少好經書家富而目偏盲

茂陵杜鄴與欽同姓字俱以材能稱京師故衣冠謂欽為育杜子夏以相別欽惡以疾見詆廼為小兒高廣財二寸由是京師更謂欽為小兒杜子夏而鄴為大兒杜子夏云葛巾漉酒見卷五題漉酒圖植音宣蘓軾詩玉腕半揎雲碧袖

謝呂敬夫紅牙管歌

并序

呂云度廟老官人所傳物也滄江泰娘蓋敬夫席上善倚歌以和予天忽雷者故詩中及之

鐵心道人吹鐵笛大雷怒裂龍門石滄江一夜風雨湍水族千頭嘯悲激樓頭阿泰聚雙蛾手持紫檀不敢歌呂家律呂慘不和換以紅牙尺八之冰柯五絲同心結

一作龍

首曾把昭陽玉人手只今流落已百年不省愁中折楊柳

道人吹春哀北征宮人斜上草青青吳兒木石悍不驚泰
娘苦獨多春情為君清淚滴紅冰

西湖竹枝集呂誠字敬夫吳之東澹人宋史錢俶傳太平興國三年俶貢紅牙樂器二十二事遼史太宗紀七年秋唐遣使遺紅牙笙隋書宣華夫人傳太子遣使者齎金合子合中有同心結數枚斜塚也

輦婆引

吳門玉帳元戎府手擊銅龍踏哮虎錦貂半醉金盤春芍
藥三千嬌欲語梅卿馬上彈輦婆鵲絃振振金邏迤軟灰
促節變幹羅楓香古調翻回波四索真珠瀉銅盤三十六
竿合笙管孤鸞夜語烏孫愁朔風吹寒青草短玉環流落
梨園空三郎不在華清宮凝碧池頭散花雨天上仙班奉

明主

搜神記琵琶一名擊婆李太白餞李藏用移軍廣陵序借
鴻濤於奔鯨鱗生人於哮虎杜甫詩君門羽林萬猛士
惡知哮虎子所監樂府雜錄賀懷智以鷗雞筋作絃楊
妃外傳白秀貞得琵琶以獻其槽以邏迦檀為之有金
縷紅紋演義云樓羅者幹辦集事之稱本事記唐中宗
長章后有俊人唱迴波詞曰迴波雨是擗搓怕婦也是
大好外邊無過裴談內裏無過李老章后意色自得命
以束帛賜之漢書武帝元封中以江都王建女偽稱公
主妻烏孫王昆莫念其行道使知音者馬上奏琵琶以
慰之又王昭君適匈奴在路愁怨遂於馬上彈琵琶以
寄其恨青草昭君塚上草也天寶遺事祿山犯京師上
欲遷幸乃命進玉環王環者睿宗所御琵琶也三郎明
皇也唐書天寶六載改驪山溫泉宮曰華清宮明皇雜
錄天寶末祿山陷西京大會凝碧池梨園子弟秋歐泣
下樂工雷海青擲樂器西向大慟王維臨賊中
潛賦詩云秋槐零落深宮裏凝碧池頭奏管絃

王蓮曲

為金陵張氏妓賦

芙蓉出五沃蕩漾水中央託根遍七澤濁影照滄浪亭亭
立淤泥靜試嶽井粧使君青雀舫夜夜宿花旁為結明璫
蓋覆此荳蔻芳洛妃解瑤珮王母薦瑤觴饒食玲瓏玉渴
飲醍醐漿白日忽成晚粉面落秋霜窈窕不結子柔絲斷
藕腸波寒沉懶傘愁殺野鴛鴦

管子五沃之土生蓮漢書司馬相如傳楚有七澤小者
曰雲夢方九百里禹貢嶧冢導漾東流為漢又東為滄
浪之水周茂叔愛蓮說出淤泥而不染韓愈詩太華峯
頭玉井蓮花開十丈藕如船曹植洛神賦解玉佩以要
之拾遺記西王母見穆天子玉帳高會進萬歲冰桃千
年雪藕又進素蓮一房百子凌冬而茂藕名玉玲瓏羣
芳譜玲瓏萬竅杜甫詩露冷蓮房墜粉紅密竹律切詩
入聲窈則駕切音詐窈窕物在穴中貌搜神記無錫上
湖陂丁雨初止見一少婦人著青衣戴傘呼之不得自
投波中是大蒼獺衣皆荷花鄭谷詩多謝浣溪人不折

雨中留得

蓋鴛鴦

畹蘭詞

畹蘭氏嘗侍余觴咏玉山草堂中轉眼已十歲今年自上海見余元霜所擁髻道舊淒然自傷遲暮意且持觴請曰使君小杜才也可無秋娘氏一語乎余為引酒悲歌為更長樂府令元霜公子書以遺之

青銅小窻文玉几月轉羅襦夜如水蓬萊華國稱香夜
夢香雲三萬里居然霓裳見空谷白雪新消洗池玉秋容
不染守宮紅起向紅波照雙綠道人住近西施浦修禊亭

前憶蘭渚空江為我泣珮珠夢入湘枝作斑雨舞趙舞歌
吳歌蘭兮蘭兮奈爾何元霜高臺秋露早綠毛華使三山
老

暹羅毛席也杜陽編新羅進五色翟毯以藉地韓昌黎
聯句兩麻銷翟毯五鼎調芍藥東坡詩披香殿上紅翟
種香諸赤土國在海西出異香每燒一丸香聞數里故
號一國香按左傳蘭有國香蓋兼取晚蘭之義也洞冥
記帝嘗夕坐有神女至散明天發日香香出香池寒國
地有發日樹雲從樹出雲來掩日風吹樹枝拂雲開日
光也名開日樹樹有汁滴如松脂詩空谷足音博物志
舜禹巡不反葬於蒼梧娥皇女英追之不及至洞庭山
淚下染竹即斑
死為湘水神

躡蹠歌

贈劉叔芳

躡蹠復躡蹠佳人當好春金刀剪夫容綉作滿月輪落花

游絲白日長年年它宅媚流光綺襦珠絡錦繡襠草裊漫
地綠色涼揭門縛絲觀如堵恰呼三三喚五五低過不墜
蹴忽高蛺蝶窺飛燕回舞步矯且捷如凌波輕塵不上紅
錦靴揚眉吐笑頰微渦江南年少黃家多劉娘劉娘奈爾
何只憶當年舊城住門前一株海棠樹

射義孔子射於矍相之圃蓋觀者如
堵牆洛神賦凌波微步羅襪生塵

樓
淑荀似校

鐵屋逸編註卷之五

目錄

自題鐵笛道人像

題柳風英月亭詩卷

題王母醉歸圖

二喬觀書圖

題陶淵明漉酒圖

淵明撫松圖

題陶宏景移居圖

唐元宗按樂圖

明皇按樂圖

題楊妃春睡圖

題開元王孫扶彈圖

龍眠居士畫捫螭圖

題趙仲穆臨黃筌秋山圖

題錢選畫長江萬里圖

題履元陳君萬松圖

古觀潮圖

題月山公九馬圖手卷

衮馬圖

飲馬圖

正而黃

背立驪

奉趙子昂駟馬圖

王若水綠衣使圖

趙大年鵝圖

鐵厓逸編註卷之五

諸暨楊維禎廉夫著 同邑後學樓卜瀍西濱註

李廷梅應魁

邱平範千億訂

自題鐵笛道人像

道人煉鐵如煉雪丹鐵火花飛列缺神焦鬼爛愁鎖鄧精
魂夜語吳鉤血居然躍冶作龍吟三尺笛成如竹截道人
天聲闕天竅媧皇上天補天裂淮南張涯人中傑愛畫道
人吹怒鐵道人與笛同死生直上方壺觀日月

相如大人賦貫列缺之倒景注曰人在天上視列缺去
地三千里楊雄校獵賦霹靂列缺吐火施鞭應劭曰霹

震雷也列缺天隙電光也通雅列缺電光也陽氣發雲決裂而出故曰列缺拾遺記海中三山一名方壺

題柳風笑月亭詩卷

主家池館西龍堂龍堂華國參差芳秋輪軋露春雲熱水
風楊柳芙蓉月星橋高挂東西虹宮花小隊煙花紅金絲
拂鞍長袖舞夜靜水涼神欲語草池夢落西堂客吟詩一
夜東方白

南史謝靈運詩思不就忽夢惠連即得
池塘生春草之句乃云此語有神助

題王母醉歸圖

瑤池春暖波如澱不與紅妝洗嬌面仙娥泛月蕊宮來催
宴瑤花開水殿麻姑滿進九霞觴金盤鮓熟夫容香歌雲

緩繞紫鸞管舞颺淑酒青霓裳阿母嬉春淡妝束雲冠巧
琢梅花玉酒痕凝頰呼不醒扶上仙山雪毛鹿綺袍半脫
露香肩飛控不動金連錢天風吹夢渡弱水含羞倦倚雙
嬋娟歸來笑拂龍髯席汗溼鮫綃睡無力玉鈎齊上水精
簾十二瑤樓月光白吳興畫史筆如神丹青貌得瑤池真
劉郎自是識仙趣看花同賞元都春圖中彷彿一相見何
必蓬萊問清淺便呼青鳥報鸞箋蟠桃明日重開宴

漱亦作旋秘要經仙宮中有寥陽之殿蕊珠之閣神仙
傳真人許碯至天台題云闔苑花前是醉鄉誤翻王母
九霄鵬爾雅注馬有深淺斑駁如魚鱗今連錢驄也梁
武帝詩金絡飾連錢集仙傳神山之下弱水九重洪濤
萬丈非駸車羽輪不可到也晉東宮舊事太子有獨坐
龍鬚席集仙傳西王母所居有層城千里玉樓十二神

仙傳麻姑謂王方平曰接待以來見東海三變為桑田
向到蓬萊水淺於往時畧半也郭璞山海經注三青鳥
王母使也

二喬觀書圖

喬家二女淩芙蓉一代國色江之東亂離惟恐埋百草豈
料一日俱乖龍江東子弟孫郎策同往周郎道南宅弟兄
不減骨肉親喜作喬家兩嬌客明年符死鏡中妖銅雀春
深愁大喬自是阿瑜能了事黃星一道隨煙銷小喬初嫁
有如此天下三分從此始風流顧曲本多才風雨雞鳴戒
君子喬家教女善詩書豈比小姑持刃為帳中草檄名漢
賊已知事屬方願見君不見阿瞞老贖蔡文姬博學才辯

何所施天下羞誦胡笳詩

吳志周瑜從孫策皖城得喬公而女皆國色策自納大
喬瑜納小喬江表傳策曰二喬雖流離得吾二人為壻
亦足為惟楚國先賢傳孫雋與李元禮俱娶太尉桓焉
女時人謂桓叔元而女俱采龍言得婿如龍也吳志周
瑜與孫策同年獨相友善推道南大宅以舍策吳歷策
既被創醫言可治當好自將護百日勿動策引鏡自照
謂左右曰面如此尚可復建功立事乎推几大奮創皆
分裂頰史卒搜神記策既殺于古每獨坐彷彿見吉在
左右意深惡之頗有失常後治創方差而引鏡自照見
吉在鏡中頰而勿見如是再三因撲鏡大呼劍皆崩裂
頃吏而死杜牧赤壁詩東風不與周郎便銅雀春深鎖
二喬魏志武帝紀初桓帝時有黃星見於楚宋之分遼
東殷廆善天文言後五十歲當有真人起於梁沛之間
吳志瑜少精於音樂雖三爵之後曲有闕誤必知之知
之必顧故時人謠曰曲有誤周郎顧蜀志法正傳孫權
以妹妻先主妹才捷剛猛有諸兄之風侍婢百餘人皆
執刀侍立先主每入妻心常凜凜按陳琳有檄吳將校
部曲文蓋曹操告江東諸軍令背孫權而歸漢也江表

傳權生方頤大口目有精光胡笳詩見卷一

題陶淵明漉酒圖

義熙老人羲上人一生嗜酒見天真山中今日新酒熟漉酒不知頭上巾酒醒亂髮吹騷屑架上烏紗洗糟蘖客來忽一作休怪頭不冠巾冠豈為我輩設故人設具在道南老人一笑猩猩貪東林法師非酒社攢眉入社吾何堪家貧不食檀公肉肯食劉家天子祿頽然徑醉卧坦腹笑爾阿宏來奉足

宋書陶潛好酒郡將候潛逢其酒熟取頭上葛巾漉酒畢還復著之世說陶淵明云夏日北窗高卧涼風颭至自謂羲皇上人劉向九歎風騷屑以搖木兮騷屑紛擾之貌晉書王宏遺其故人寵通之齋酒於羊道邀之潛

遇酒便引酌高僧傳晉義熙間僧惠遠廬山東林寺與
劉遺民等十八賢同修淨土中有白蓮池因號白蓮社
以書招陶淵明淵明日若許飲酒即往遠許之遂造焉
既而無酒陶攢眉而去檀公謂檀道濟劉天子謂宋高
祖武皇帝劉裕

淵明撫松圖

孤松手自植保此貞且固微微歲寒心孰樂我逢暮留侯
報韓仇還尋赤松去後生同一心成敗顧隨遇歸來撫孤
松猶是晉時樹

題陶宏景移居圖

大奴擔簦挈壺瓊小奴籠雞約孤狔雪斑鹿前隻婉孌水
雲牯背三溫磨中有玉立而長身幅巾野服為何人云是

永明之隱君身有黑子七星文自從夜讀葛洪傳便覺白
日生青雲解冠徑掛神武門蜜蠶尚拜君王恩白容洞天
元第八茅家兄弟遁秦臘飛宮上接十二樓下聽華陽海
聲狹三朝人物半凋零水丑木中文已成金牛脫絡誰得
簍枯龜受灼寧生靈金沙丹飯饑可餉山中猶嫌呼宰相
從此移家金積東滿谷桃花隔秦壤畫工何處訪仙蹤修
眉明目射方瞳可無雞犬逐牛豕栗橘葛樞皆家僮鐵崖
浮家妻子從名山亦欲尋赤松華陽禮一作祀郎或相逢清
風喚起十八公乞以玉笙雙鳳吹雌雄

磨奴昆切香也李商隱杏花詩疑穿花逶迤漸近大溫
磨皮日休金鶚詩錢羽雕毛迥出羣溫磨飄出靡騰

薰南史陶宏景傳字通明丹陽秣陵人也年十歲得葛
洪神仙傳晝夜研尋便有養生之志永明中脫朝服掛
神虎門上表辭祿詔賜束帛勅所在月給茯苓五斤白
蜜二升以供服餌於是止於句容之句曲山曰此山下
是第八洞宮名金壇華陽之天漢有咸陽三茅君得道
來掌此山故謂茅山乃中山立館自號華陽隱居據遺
大茅君名盈中茅君名固小茅君名衷茅盈內紀始皇
改臘曰嘉平南史義師平建康聞議禪代宏景援引出圖
識數處皆成梁字水丑木梁字也又宏景屢聘不出唯
畫兩牛一牛散放水草之間一牛着金籠頭有人以杖
驅之帝笑曰此人欲效曳尾之龜豈可致之又宏景隱
止句曲山梁武帝早與之游及即位恩禮愈篤書問不
絕國家每有大議必先諮之時人謂之山中宰相又天
監四年移居積金東澗善辟穀導引之法陶潛桃花源
記自云先世避秦時亂來此遂與外人隔雲笈經眼方
者壽千歲陶隱居末年眼有時而方南史宏景特愛松
風每聞其響欣然而樂吳錄丁固夢松樹生其腹
上謂人曰松字十八公後十八年為公遂如夢

唐元宗按樂圖

大唐天子梨園師金湯

一作城

重付軋聲

一作綠衣

兒何人端坐

閱樂籍三萬纏頭不足支龜年

一作茲

檀板阿蠻舞花奴手

中花如雨鈞天供奉真天人上亦親撾

一作撾

汝陽鼓玉奴

檀槽倦無力忽竊寧哥手中笛邊風吹入新貢簫銅池夜

夢凌飛翼閣門邊

一作大

奏塞黃聰耳譜更訪

一作傳

明月

宮漁陽一震萬竅聾梨園子弟散如雨

一作鼓擲如土

惟有

舞馬傷春風

唐書禮樂志元宗既知音律又酷愛法曲選坐部使子

弟三百教於梨園聲有候者帝必覺而正之郭皇帝梨

園子弟安祿山事蹟祿山母禱於軋聲山遂字軋聲後

冒姓安名祿山太真外傳李龜年手捧檀板抑衆樂明

呈雜錄新豐市有女伶曰謝阿蠻善舞綾波曲常入宮

中楊貴妃遇之甚厚亦游於國忠及諸嬖家樂府雜錄

羯鼓明皇好此伎有汝陽王花奴尤善擊鼓時戴砑絹
帽子上安葵花數曲曲終花不落蓋能定頭項爾楊妃
外傳中官白秀貞自蜀面得琵琶奏之韻飄雲外寧哥笛
為之溫潤如玉貴妃每抱琵琶奏之韻飄雲外寧哥笛
見卷八宮詞禮樂志帝好羯鼓而寧王善吹橫笛隋書
六等之冕皆有難續黃綿為之其大如橘傳信記明皇
嘗以手按其腹高力士請其故上曰吾昨夢遊月宮諸
仙子娛以上清之樂其曲清楚慮忽遺忘故尋之耳力
士請其名上曰此曲名紫雲迴一統志順天府薊州唐
漁陽郡杜甫詩奈何漁陽騎迴一統志順天府薊州唐
皆漁陽突騎白居易長恨歌漁陽騎迴一統志順天府薊州唐
裳羽衣曲明皇雜錄明皇在位嘗令教舞馬四百分為
左右部每千秋節常命舞於勤政樓下其後明皇幸蜀
舞馬散在野祿山常見其舞愛之因以數十匹置之范
陽其後轉為田承嗣所得承嗣不知雜於戰馬中忽一
日大享樂作馬舞不能止廝養輩謂其妖因白承嗣承
嗣命箠之甚酷多斃於檻下

明皇按樂圖

沈香亭前花萼下

叶

天街一陣催花雨海棠花妖睡初着

直署切

喚醒一聲紅芍藥金鑾供奉調清平梨園舊曲換新

聲阿環自吹范陽笛八姨獨捺傷春情君不見夜游重到

明月府青鸞能歌兔能舞五雲不障蚩尤旗回首煙中萬

擊鼓那知著底梧桐雨雨聲已入淋鈴譜

李白詩沉香亭北倚闌干注按興慶宮圖龍池東有沉香亭唐書元宗製大余長枕與諸王共之於宮南造花

萼相輝之樓太真外傳太真被酒未醒明皇笑曰此真

海棠花睡未足耳又開元中禁中重木芍藥得數本紅

紫淺紅通白者上因移植於興慶池東沉香亭前詔選

梨園子弟中尤者得樂一十六色李龜年手捧檀板押

衆樂將欲歌之上曰賞名花對妃子馬用舊樂詞為遷

命龜年持金花箋宣賜翰林學士李白立進清平樂詞

三章楊貴妃小字玉環楊妃外傳妃有三姊三人皆豐

碩修整笑談謔浪每入宮中移晷乃出大姨封韓國次

三姨封魏國次八姨封秦國同日拜命樂府雜錄雨霖
鈴明皇自西蜀返樂人張野狐所製明皇雜錄上幸蜀
還入斜谷霖雨彌旬於棧道中聞鈴聲與
山相應上感悼貴妃因採其聲為雨霖鈴

題楊妃春睡圖

沉香亭前燕來後三郎鼓中放花柳西宮困人春最先華
清溶溶暖如酒雪肌欲透紅薔薇錦襦卸盡流蕤幃小蓮
侍擁扶不起翠被卷作梨花飛螭龍髻重未勝卻燕釵半
落犀梳偃晚漏壺中水聲遠簾外日斜花影轉琵琶未受
宣喚促睡重黎腰春正熟不知小裯思塞酥夢中化作銜
花鹿

羯鼓錄明皇遊別殿柳杏將吐嘆曰對此景物不可不
與判斷呼高力士取羯鼓縱擊一曲名春光好回顧柳

杏皆發笑曰不謂我作天公耶唐書天寶六載改驪山
溫泉宮曰華清宮青瑣高議明皇時民間貢牡丹帝未
及賞為野鹿啣
去應祿山之亂

題開元王孫挾彈圖

開元少年意氣雄任俠不數陳孟公文犀束帶鵠被小驕
馬馳踏如飛龍側身仰望目瞿瞿為有流鶯在高樹兩騎
聯翩未敢前看送金光落飛羽白頭烏吟延秋門漁陽塵
起天地昏珊瑚寶玦散原野空令野客哀王孫平原公子
五色筆俗史庸工俱辟易寫成圖畫鑒興衰未必奢淫不

亡國

漢書游俠傳陳遵字孟公舊唐書潼關不守上自延次
門出親王妃主王孫以下多從之不及杜甫哀王孫詩

長安城頭頭白鳥夜飛延秋門上呼又
腰下寶床青珊瑚可憐王孫泣路隅

龍眠居士畫捫蝨圖

困敦游光稽堯史真卿夜降條山裏仙官豈榮璽書紙銅
符傳信八子齒雪鼠成精真錯比妒女廟前空宣旨肯為
阿鑒三徵起金榼墮地非酒鬼巾箱以驢行萬里神仙狡
獍耶復耳青羊小兒元姓李

此詠唐張果老事
鑒音照武后諱

新唐書方技傳張果者隱中條山往來汾晉間世傳數
百歲人武后時遣使召之即死後人復見於恒州山中
開元二十一年刺史韋濟以聞元宗令通事舍人裴晤
往迎見晤輒氣絕仆乃蘇晤不敢逼馳白狀帝更遣
中書舍人徐僞齋璽書邀禮乃至東都舍集賢院有輿
入宮帝親問治道神仙事語秘不傳果善息氣能累日
不食數御美酒嘗云我生堯丙子歲位侍中其貌實年
六七十爾雅太歲在丙曰桑兆又在子曰困敦類書張

果名見於唐開元中葉靜能密識之曰混沌初分白蝠
蝠精也明皇雜錄張果隱於中條山常乘白驢日行數
萬里夜則疊之置於箱篋中乃紙也乘則以水噴之復
成驢元中記千歲之樹精化為青羊老子內傳太上老
君於陳國渦水李樹下剖左
腋而生指李樹曰此為我姓

題趙仲穆臨黃筌秋山圖

成都畫師稱要叔不獨錦雞兼寫竹李昇筆法最稱神萬
里雲山出西蜀重巒疊嶂金碧堆丹崖楓樹如花開銀河
著地可望不可到上有仙家十二之瓊臺峨眉玉壘天邊
落萬雉金城連劍閣雪山西蜀為武擔石鏡清輝經井絡
江邊里姑似沉犀水怪不敢湍金隄支機石在巖真觀浣
花水落少陵溪蜀王宮殿牛羊下鼓吹却入雞豚社雪飛

水磨舊鼓茶春釀卽筒荷熟薦草田麥壠煙光薄交鹿吻
吻雉角角何處山僧赤脚歸空林野水日欲落吳興小趙
精天機出入內府閱秘竒親摹此本第一幅開戶三月忘
朝飢老夫平生有山癖草元亭前獲眼碧江上何處未歸
來黃鶴高樓吹鐵笛

元詩選注趙雍字仲穆孟頫仲子以蔭守昌國海寧二
州歷官翰林院待制圖畫見聞志黃筌字要叔成都人
事王蜀後主為待詔至孟蜀加檢校少府善畫花竹翎
毛用筆精細不見墨跡但以輕色染成謂之寫生南唐
主徐知誥復姓李更名昇李白詩注峨眉山在嘉州峨
眉縣杜甫詩玉壘浮雲變古今杜憶玉壘山在灌縣西
水經注小劍去大劍三十里連山絕險飛閣涌澗故謂
之劍閣華陽國志武都有一丈夫化為女子美而艷蓋
山精也蜀王納為妃無幾物故蜀王遣五丁之武都擔
土作冢蓋地數畝高七丈上有石鏡表其門今成都北

角武擔是也路史開明妃墓今武擔山也有二石闕武陵王蕭紀掘之得玉石棺棺中美女艷色如生體如冰掩之而寺其上鏡周三丈五尺河圖括地象岷山之精上為井絡晉書溫嶠至牛渚磯傳言水深不可測乃燃犀角照之須臾見水族奇怪或乘車馬至夜夢人謂曰與君幽明道隔何苦相照嶠甚惡之未幾而卒博物志昔有人尋河源見一婦人浣紗問曰此天河也乃與一石而歸問嚴君平君平曰此織女支機石也梁益記漢水出渝江居人多造綵綵故號浣花溪華陽風俗錄郫縣有郫筒池池旁有大竹郫人剡其節傾春釀於筒苞以藕絲蔽以蕉葉信宿香聞於林外然後斷之獻俗歸郫筒酒釀側馬切查上聲以鹽米釀魚為茹熟而食之也成都記成都縣南百步有楊子雲宅今草元亭遺跡尚存

題錢選畫長江萬里圖

神禹劃天塹橫分南北州祗今天不限南北一葦航之如大溝洪源發從瞿塘口嶮峽中擘爭黃牛括漢包

一作湘

會沅澧二妃風浪蕪天浮青山何罪受秦赭翠黛依然生
遠愁洞庭微波木葉脫有客起登黃鶴樓老瞞橫梁處醜
酒澆江流江東數豪傑乃是孫與周東風一信江上發從
此鼎國曹孫劉吳南魏北後倏忽一作開六朝江南龍
虎地山水清相繆渡頭龍馬王氣歎洲邊鸚鵡才名留新
亭風景豈有異長江不洗諸公羞宮中金蓮步方曉後庭

玉樹聲已秋何如一杯酒錦袍仙人月下舟解道澄江靚

一作淨

如練醉呼小謝開青眸鐵厓散人

一作瀟散

萬里鷗拙迹

今似林中鳩不如大賈舶江山足勝遊腰纏足跨揚州鶴

樓船不用問

一作蓬萊邱平生此志苦未酬眼明萬里移滄

洲烏乎楚水尾吳淞頭山河一髮瞻神州孰使我戶不出

今囚山囚

吳錄魏文帝至廣陵臨江觀兵見波濤洶湧漢曰此固
天之所以限南北也方輿勝覽瞿塘峽在夔州東一里
荆州記宜都西南峽中有黃牛山江流紆迴途經信宿
猶望見之行者語曰朝發黃牛暮宿黃牛三日三暮黃
牛如故杜甫東屯詩黃牛峽水喧杜鰾云黃牛峽在夷
陵而此云黃牛峽水喧又寄弟詩云青春不假報黃牛
意夔州亦有此峽但今不可考耳秦紀始皇至湘山祠
遽大風幾不得渡大怒使伐湘山樹赭其山吳志周瑜
傳權遣瑜及程普等與備并力逆曹公遇於赤壁江表
傳時東南風急同時發大火烈風猛往船如箭北軍大
壞曹公退走一統志南京古金陵之地自周東時已有
王氣秦始皇謂東南有天子氣諸葛亮謂龍蟠虎踞真
帝王之都即此地也赤壁賦山川相繆晉書永嘉元年
元帝始渡江鎮建業初惠帝太安際童謡云五馬浮渡
江一馬化為龍帝與西陽汝南南頓沛陽王等獲濟而
元帝竟登大位胡三省通鑑註鸚鵡洲在江夏江中福

衡作鸚鵡賦於此洲因以為名六朝事迹宋孝武即位
於新亭在城南十五里附近江渚齊書東昏侯鑿金為
蓮花貼地令潘妃行其上曰此步步生蓮花也陳書後
主製新曲有玉樹後庭花臨江集寺李商隱南朝詩誰
言瓊樹朝朝見不及金蓮步步來謝朓登三山詩澄江
淨如練李白詩解道澄江淨如練令人長憶謝元暉李
商隱詩正是澄江如練處元暉應喜見詩人志林有客
言志一願為揚州刺史一願多賞財一願騎鶴上昇其
一人曰腰纏十萬貫騎鶴上揚州柳宗元囚山賦
聖日以理予賢日以進誰使吾山之囚兮涓涓

題履元陳君萬松圖

紫芝道人天思精南來新畫青松障東家畫水西家山積
棄陳繡忽如忘突然槎牙生肺肝元氣淋漓迫神王亟呼
圓瓦倒墨汁盡寫髯官立成仗羣爭十丈百丈身氣敵千
人萬人將交柯玉銷混鱗甲屈鐵金繩殊骨相石闢雷霆

白日傾雨走蜺龍青天上前身要是僧釋仁五百蜿蜒見
情狀天台老林亦畫松三株五株成冗長我家東越大松
岡五鬣蒼蒼鬱相望門前兩箇赤婆婆上有元禽語相向
雕龍梓客朝取材伏虎將軍夜偷餉安得射洪好絹百尺
強令泣陰森移疊嶂鼓以軒轅之瑟五十絃共寫江聲入
悲壯

右寫似子昭異才子昭工畫仕女花木予懼其情過粉
黛則氣乏風雲故書此詩以遺之子昭讀此詩後得毋
激作於公孫大娘之劍乎

前府蒼髯叟松也畫隨元銓僧釋仁寓永嘉善畫松初
集諸家所長而學之後夢吞數百條龍遂傳神妙名山

記松有兩鬢三鬢五鬢者言如馬鬣形太公兵法周太
如夢周梓化為松世本庖犧瑟五十絃黃帝損之為二
十五絃黃庭堅武昌松風閣詩風鳴娟皇五十絃

古觀潮圖

八月十八睡龍死海龜夜食羅刹水須臾海壁龕赭門地
卷銀龍薄於紙艮山移來天子宮宮前一箭隨西風劫灰
欲死蛇鬼穴婆留朽鐵猶爭雄望海樓頭誇景好斷鰲已
走金銀島天吳一夜海水移馬蹠沙田食沙草厓山樓船
歸不歸七歲呱呱啼軛道

此咏趙宋觀潮事

莊子千金之珠必在驪龍頷下能得珠者必遭其睡也
璣言江南沿水多荻蘆冬月縱火焚之多燒起睡龍也
輟耕錄錢唐江一名羅刹江浙江候潮圖說浙江之口
有兩山焉其南曰龕山其北曰赭山並峙於江海之會

謂之海門仁和縣志艮山在城東北隅一小土阜歲寒
堂集艮山相傳為南渡宸遊看新錄之處酉陽雜俎蛇
鬼名例石圭張昱廬陵集注臨安有婆留井錢王初生
時將棄井中婆奪留之故乳名婆留既貴以鏐代留字
宋史河渠志浙江通大江日受兩潮梁開平中錢武肅
王始築捍海塘在候潮門外堤岸既固民居乃奠吳越
脩史錢王射潮箭所止處當立鐵幢後人因名鐵幢浦
明一統志鐵井關在六和寺南昔有蛟龍自井出攻損
江岸錢氏鑄鐵井關鎮之刻八卦於上綱目續編浙江
潮三日不至時元軍分駐江沙上杭民方幸之潮汐三
日不至又德祐二年元伯顏入臨安以帝及皇太后全
氏福王與萬壽北去又景炎三年帝遷新會之崖山又
葵端宗皇帝於崖山又祥興二年元張宏範戰於崖山世
傑力戰禦之又張世傑與元張宏範戰於崖山世傑兵
潰陸秀夫負帝赴海死之世傑收兵至海陵山舟覆而
死宋亡按崖山謂景炎祥興七歲呱吮啼軌道謂德祐
也漢書高帝紀秦王子嬰素車白馬係頭
以組封皇帝璽符節降軌道旁注亭名也

題月山公九馬圖手卷為任伯溫賦并序

任公月山九馬圖一卷馬官控而立者二渴飲者
二赴飲者一共樞秣者二立而昂首回顧者二昔
韓幹善畫馬實出曹將軍霸唐畫馬稱曹韓而杜
子美評曰幹惟畫肉不畫骨則幹猶未暇入曹將
軍室也今公所畫法備而神完使在開元間未知
與霸孰先後豈獨方駕幹而已哉其孫士珪出卷
求予言故為賦卷尾

任公一生多馬癖松雪畫馬稱同時已知筆意有獨得天
育萬騎皆吾師房精夜墮池水黑龍出池中飛霹靂圖中
九馬氣俱王都護青驄尤第一一馬飲水水有聲兩馬齧

草風雨生其餘五馬盡奇骨蠻烟洗盡桃花明君不見佛
郎獻馬七度洋朝發流沙夕明光任公承旨寫神駿妙筆
不數江都王任公一化那可復後生畫馬空多肉此圖此

馬無人看黃金臺高春草綠

原卷題云李黼榜第二甲進士會稽楊維禎書時捧硯者

燕臺常氏
緯簾也

先生有東白說淑青龍任氏吳之著姓也有月山先生
者歷官中朝至都水少監其子子文又孫秘書監秘府
郎遷考城令孫曰輝者益善文史善賦詩脫去凡近雄
健有法度予甚喜之詩哀成悵號曰東白集晉書王濟
解相馬又甚愛之杜預常稱濟有馬癖畫譜趙孟頫字
子昂號松雪畫為元四大家之一杜甫詩有天子
歌注天育馬廐名據唐志無以天育為廐者當是云天
子所育之馬而已名畫記唐明皇令韓幹觀御府所藏
畫馬韓曰不必觀也陛下廐馬萬匹皆臣師白帖馬房
星之精故房星為天駟杜甫詩曾貌先帝照夜白龍池

十日飛霹靂又杜甫詩有高都護驄馬行庾信謝滕王
賚馬啟柳谷未開翻逢紫燕陵源猶遠忽見桃花漢書
天馬歌天馬徠從西極涉近沙杜甫詩國初已來畫鞍
馬神妙獨數江都王名畫記江都王緒霍王元軌之子
太宗皇帝猶子也多才藝善書畫鞍馬擅名杜甫詩弟
子韓幹早入室亦能畫馬窮殊相幹惟畫肉不畫骨忍
使驕驄氣凋喪六帖燕昭王置千金於臺上以延天下
士謂之黃金臺按結語蓋致慨於千金市駿骨者之無
其人也

哀馬圖

唐家內廐三萬匹畫史縑緗都熟識綠蛇連卷骨初蛻一
團旋風五花色溼雲乍洗烏龍池金索掣斷愁欲飛奚官
獨立柳陰下手把玉鞭將贈誰

杜甫詩騰驂磊落三萬匹顏延之天馬狀白驥朱文綠
蛇紫燕卷巨員切曲也劉安招隱士桂樹叢生兮山之

幽偃寒連卷兮枝相繚參詩一團旋風桃花色明皇
雜錄畫監曹霸人馬圖紅衣美髯奚官牽玉面駢綠衣
閣官牽
照夜白

飲馬圖

佛郎新來獲象龍鼻端生大耳生風臨流飲水如飲虹波
光倒吸王良宮吁嗟青海頭白磧尾渴鳥一失金井水長
城窟遠腥風起

筆談虹嘗下澗飲兩頭皆垂澗中張正見詩鏡似臨峯
月流如飲澗虹天文志王良策馬車騎滿野王良星名
青海見卷三佛郎國新貢天馬歌張籍涼州詞古鎮城
南門白磧開李白天馬歌尾如流昇首渴鳥注後漢書
作翻車渴鳥於橋而用澆南北郊路章懷太子注渴
鳥為曲筒以氣引水上也此言馬首昂矯狀類渴鳥

正面黃

鼎湖乘黃忽已仙
龍池霹靂飛青天
玉臺萬里在足下
青絲挽住春風前
疑如長鶴靜不騫
伏下肯受庸奴鞭
主恩一顧百金重
不辭正面當君憐

杜甫詩人間又見真乘黃又惆悵恐是病乘黃竹書紀年帝舜元年出乘黃之馬山海經白民之國有乘黃其狀如狐背上有兩角注即飛黃也淮南子天下有道乘黃伏皂一云乘黃獸名龍翼馬身黃帝乘而登仙沈佺期詩龍池雖龍龍已飛漢書禮樂志遊閭闔觀玉臺古樂府青絲纏馬尾杜甫詩青絲絡頭為君老春秋後語人有駿馬欲賣之見伯樂曰比三旦立於市人莫與言願子還而視之去而顧之伯樂如其言一旦而馬價十倍

背立驪

首昂渴鳥跨山峙拂階一把銀絲委金羈脫兔勢無前踣

鐵盤攢忽如犄淺體大胆方爭塗忍使驪龍老垂耳倚風
背立非背恩馱錦秋高為君起

史記田單傳始如虜女造人開戶後如脫兔造不及距
陸龜蒙詩勢若脫兔杜甫詩腕促蹄高如踏鐵注踏
也踏鐵言馬蹄之堅相馬經相馬之法先除三羸與五
羸乃相其餘大頭小頭一羸也弱瘠大腹二羸也小頭
大蹄三羸也六頭緩耳一羸也長頸不折二羸也短上
長下三羸也大體短脊四羸也淺體薄髀五羸也杜甫
詩駘背錦鞵糊注駘背
蒙以錦帕故云縻糊

奉題子昂馱馬圖

西家驍騎驍如龍鼻端生火耳生風東家老段老且蹇有
如征南矍鑠翁西家公子誇遠服千里之行一日速東家
主人役老段不取驍騰取馴伏主人公子性各殊愛驍愛

段知何如若將夔蛇較足下胡敢並轡爭齊驅朝明西家
蹄一蹶解鞍折臂中道歇道傍仰首鳴向天驚夔風塵愁
跛鼈坐令公子心火然碩瞻老段行在前烏乎世步誰後
先東家莫厭遲遲鞭

東觀漢紀馬援謂官屬曰從弟少游常哀吾多大志曰
士生一世但取衣食足乘下澤車取款段馬可矣求益
盈餘但自苦耳唐書李懷遠尚簡率常乘款段馬豆盧
欽謂之曰公榮貴如此何不買駿乘答曰此馬幸免驚
蹶無假別求後漢書馬援傳援年六十二帝愍其老援
自請被甲上馬帝令試之援據鞍顧盼以示可用帝笑
曰夔鑠哉是翁也莊子夔憐蛇蛇憐蛇蛇憐風風憐目
目憐心夔謂蛇曰吾以一足跼蹐而行予無如矣今子
之使萬足獨奈何蛇曰今予動吾天機而不知其所以
然李廣傳解鞍縱馬卧羊祐傳祐墮馬折臂莊子夔夔
為仁蹶蹶為義荀子跬步不休跛
蹶千里又豈若跛鼈之與六驥哉

王若水綠衣使圖

綠衣翠頂珠冠纓西來萬里隴山青金雞一鳴天下白此
鳥一鳴天下平金精稟氣清傲直言語分明藏不得宮中
未聞家國事共愛聰明好顏色殿上袞衣誰小戲宮中錦
綈搖虎翅皂鵬御史不彈邪拜賜君王綠衣使

天寶遺事長安有豪民楊崇義妻劉氏與隣舍兒李奔
私通同謀害崇義埋井中劉氏訴於官府吏捕不得後
縣官詣所居檢校架上鸚鵡忽然曰敕家主者李奔也
遂執訊得實伏法明皇封為綠衣使者彌衡鸚鵡賦紺
趾丹喙綠衣翠衿博物志鸚鵡出隴西能言鳥也杜牧
詩故國隴山樹美人金剪刀唐書明皇時有五色鸚鵡
能言上令左右試牽帝衣鳥報瞋目以咤岐府文學熊
廷京獻鸚鵡篇強說上表賀曰臣按異物志南海有時
樂鳥鳴云天下太平有道則見今此鳥自南海貢來與
鸚鵡狀同而毛髮全異其心眼性辨護主報恩固非凡

鳥宜統之國史以彰聖瑞彌衡賦體金精之妙質含大
德之明輝性辨慧而能言兮心聰明而識機綱目安祿
山生日召入禁中貴妃以錦繡為大襖褙裏之唐書王
志惜為侍御史執法剛正百僚畏憚人呼為皂鵝御史

趙大年鵝圖

鏡湖湖上春波明灣碕樹樹鵝黃青上有金衣弄簧舌下
有紅掌浮繡翎春鋤一白能自好尚嫌性帶鷓鴣腥眼明
見此羣鵝鵝不與匹鳥爭春晴大年筆法如蘭亭宛頸箇
箇由天成艮宮流落二百載胡賈不厭千金爭却恨會稽
內史無此筆為人辛苦書黃庭

碕渠宜切音奇曲岸頭楊子雲賦探岩排碕杜甫詩鵝
兒黃似酒對酒嘗新鵝蕪軾詩小舟浮鴨綠大杓瀉鵝
黃柳蒼卿咏鶯詩露涇縷金衣葉映如簧語李白詩煖
入鶯簧舌漸調格物論鵝有蒼白二色綠眼黃喙紅掌

蘇軾鵝詩浴波掌捧紅霞艷泛渚翎梳白雪明爾雅鵝
春鵝坪雅春鵝者步於淺水好自低昂故曰春鵝坪雅
鵝鵝水鳥似鵝而黑食魚白氏六帖右軍王羲之嘗見
山陰道士有群鵝求之乃邀右軍書黃庭經以換遂書
之太平御覽何法盛晉中興書曰山陰有道士養群鵝
羲之意甚悅道士云為寫黃庭經當舉群相贈乃為寫
訖籠鵝而去李白詩山陰道士如相見應寫黃庭換
白鵝黃魯直詩為君寫就黃庭了不博山陰道士鵝

樓
湜又持校